


**SYARAT KELAYAKAN BANTUAN KEWANGAN ONE-OFF RM500.00
DI BAWAH INISIATIF PROGRAM STRATEGIK MEMPERKASA RAKYAT DAN
EKONOMI TAMBAHAN (PEMERKASA+) BAGI PEMANDU PELANCONG
BERLESEN TAHUN 2021**

1. Hanya **Warganegara Malaysia (Pemegang MyKad)** sahaja yang layak menerima bantuan kewangan ini.
2. Pemohon hendaklah memiliki lesen **Pemandu Pelancong Bandar/ Pemandu Pelancong Alam Semulajadi Setempat/ Pemandu Pelancong Khas Langkawi/ Pemandu Pelancong Khas Wilayah Sarawak atau Sabah (RSTG)** yang masih sah berkuatkuasa dengan MOTAC.
3. Penerima bantuan kewangan di bawah inisiatif Perlindungan Ekonomi Dan Rakyat Malaysia (**PERMAI**) 2021 dan **Pakej Belanjawan 2021** bagi **Pemandu Pelancong Wilayah Sabah** akan terus layak menerima bantuan ini. Bantuan ini juga di panjangkan kepada pemegang lesen Pemandu Pelancong yang masih sah laku pada **31 Mei 2021** layak menerima bantuan kewangan ini.
4. Lesen Pemandu Pelancong yang telah **tamat tempoh sah laku sebelum atau pada 30 Mei 2021 dan tidak mengemukakan pembaharuan lesen pemandu pelancong berserta dengan bayaran fi proses sebelum tarikh tersebut tidak akan dipertimbangkan.**
5. Pemberian bantuan kewangan ini **hanya diberikan secara One-Off kepada individu yang layak sahaja.**



SOALAN LAZIM (FAQ)

**BANTUAN *ONE-OFF* RM500.00
PROGRAM STRATEGIK MEMPERKASA RAKYAT DAN EKONOMI TAMBAHAN
(PEMERKASA+)
BAGI PEMANDU PELANCONG YANG DILESENKAN OLEH
KEMENTERIAN PELANCONGAN, SENI DAN BUDAYA (MOTAC)**

1. Adakah Pemandu Pelancong Kategori Sementara (Warga Asing) layak untuk bantuan *One-Off* RM500.00 di bawah inisiatif PERMAI 2021?
Hanya Warganegara Malaysia (MyKad) yang memiliki/memegang lesen Pemandu Pelancong yang dikeluarkan oleh MOTAC sahaja yang layak menerima bantuan kewangan ini.
2. Adakah Lesen Pemandu Pelancong yang telah tamat tempoh pada 30 Mei 2021 dan tidak memperbaharui lesen sebelum tarikh tersebut tetapi telah membuat pembaharuan pada 31 Mei 2021 layak menerima bantuan ini?
Tidak layak . Hanya individu yang memiliki Lesen Pemandu Pelancong yang masih sah atau mengemukakan permohonan pembaharuan dengan MOTAC pada atau sebelum 30 Mei 2021 sahaja yang layak bantuan kewangan ini.
3. Adakah seorang Pemandu Pelancong yang memegang pelbagai kategori lesen seperti Pemandu Pelancong Bandar dan Pemandu Pelancong Alam Semulajadi Setempat yang masih sah di dalam pelbagai bahasa dapat memohon bantuan *One-Off* RM500.00 di bawah inisiatif PEMERKASA+ 2021?
Pemberian bantuan kewangan ini hanya diberikan secara *One-Off* ke atas setiap individu sahaja. Pemberian kewangan ini tidak diberikan berdasarkan bilangan kategori lesen yang dimiliki.
4. Apakah jenis kategori lesen Pemandu Pelancong yang layak menerima bantuan *One-Off* ini?
Pemegang lesen Pemandu Pelancong yang layak menerima bantuan kewangan ini mestilah terdiri daripada kategori Bandar/ Alam Semulajadi Setempat/ Khas Wilayah Sarawak dan Khas Langkawi yang dikeluarkan oleh

MOTAC di bawah Akta Industri Pelancongan 1992 [Akta 482] dan masih sah laku layak menerima bantuan ini.

5. Jika Pemandu Pelancong yang tidak layak berdasarkan syarat-syarat yang ditentukan oleh MOTAC adakah individu tersebut boleh membuat rayuan kepada MOTAC?

Hanya Pemandu Pelancong Berlesen yang memenuhi syarat-syarat yang telah ditetapkan sahaja yang layak menerima bantuan kewangan ini. Keputusan adalah muktamad dan rayuan tidak akan dipertimbangkan.

6. Pemandu Pelancong yang tidak layak untuk menerima bantuan kewangan di bawah inisiatif PERMAI 2021 ataupun Pakej Belanjawan 2021 tetapi telah memenuhi syarat-syarat kelayakan PEMERKASA+, adakah individu tersebut akan menerima bantuan kewangan ini?

Individu ini masih layak untuk menerima bantuan kewangan PEMERKASA+ jika memenuhi syarat-syarat yang ditetapkan oleh MOTAC.

7. Sekiranya ada pertanyaan lanjut berkenaan dengan bayaran bantuan *One-Off* RM500.00 PEMERKASA+ 2021 bagaimanakah orang ramai boleh mendapat maklumat?

Makluman berkenaan bayaran bantuan *One-Off* ini akan diumumkan dari semasa ke semasa di laman sesawang rasmi dan Facebook rasmi MOTAC. Orang ramai juga boleh menghubungi Pejabat MOTAC Negeri yang berdekatan.